

淮寧縣志卷之十二

辛酉科舉人河南陳州府淮寧縣知縣永銘纂修  
五行志

史志五行始自漢書詳及占應後代作志者因之  
夫機祥災異君子不言而水旱疾苦民隱攸存勿  
容略也舊志并入雜志今別爲一卷遠則采諸前  
代史籍近則證諸邑人見聞其有未備蓋闕如云  
述五行志

漢

景帝三年春正月淮陽王宮正殿災 漢書

淮寧縣志卷之十二 五行 一

元帝初元五年淮陽大水 漢書

是年夏及秋大水潁川汝南淮陽廬江雨壞鄉聚  
民舍及水流殺人

晉

武帝太康五年暴雨害豆麥 晉書

是年七月任城梁國暴雨害豆麥

惠帝元康四年地震 晉書

是年十一月滎陽襄城汝陰梁國南陽地皆震  
元康六年陳國有鷄生雄無翅旣大墜坑死 晉書

王隱以爲雄者亂嗣子之象坑者母象今鷄生無

翅墜坑而死此子無羽翼爲母所陷害乎于後賈  
后誣殺愍懷此其應也

武帝咸寧元年白雀見梁國梁王彤獲以獻

宋書

宋

文帝元嘉十六年二月白雉見陳郡豫州刺史長沙

王義欣以獻

宋書

隋

煬帝大業十二年淮陽郡女垣中得鯉魚長七尺餘

隋書

淮陽郡驅人入子城鑿斷羅郎郭至女垣之下有

淮寧縣志卷之十一

五行

二

穴其中得鯉魚長七尺餘昔魏嘉平四年魚集武  
庫屋上王肅以爲魚生于水而亢于屋水之物失  
其所也邊將殆棄甲之變後果有東闕之敗是時  
長白山賊寇掠河南月餘賊至城下郡兵拒之反  
爲所敗男女死者萬餘人

唐

高宗上元三年宛丘縣鳳皇集

唐書

是年十一月陳州上言宛丘縣鳳凰集衆鳥數萬  
前後翊從行列齊整色別爲羣後三日改元儀鳳

中宗神龍二年十月陳州李有華鮮茂如春

唐書

憲宗元和十一年陳州饑

唐書

是年東都陳許州饑

玄宗開元十年大水

唐書

是年五月辛酉河南許仙豫陳汝唐鄧等州大水  
害稼漂沒民居溺死者甚衆

天寶四年水

唐書

是年河南淮陽睢陽譙四郡水

德宗貞元八年大水

唐書

是年秋自江淮及荆襄陳宋至于河朔州四十餘  
大水害稼溺死二萬餘人漂沒城郭廬舍

淮寧縣志卷之十一

五行

三

元和八年大水

唐書

是年五月陳州許州大雨大隗山摧水流出溺死  
者千餘人

十一年大水

唐書

是年六月潤常潮陳許五州及京畿水害稼

穆宗長慶二年大水

唐書

是年七日河南陳許蔡等州大水

四年水

唐書

是年秋河南及陳許二州水害稼

順宗永貞元年旱蝗

唐書

是年秋陳州蝗江浙淮南荆南湖南鄂岳陳許等  
州二十六旱

文宗太和元年陳州野蠶自生桑上 文獻通考

是年十月陳許奏界內野蠶自生桑上三遍成繭  
連綿九十里百姓收拾得並抽繰得絲綿並織成  
紬絹

二年水 唐書

是年夏京畿及陳滑二州水害稼

四年春火 唐書

是年三月陳州許州火燒萬餘家

淮寧縣志卷之十一 五行 四

開成三年夏大水 唐書

是年夏河決浸鄭滑外城陳許鄜坊鄂曹濮襄魏  
博等州大水

五年夏螟蝗害稼 唐書

是年夏幽魏博 曹濮滄齊德淄青兗海河陽淮  
南虢陳許汝等州螟蝗害稼占曰國多邪人朝無  
忠臣居位食祿如蟲與民爭食故比年虫蝗

元和十二年有流星隕陳蔡間 唐書

是年九月己亥甲夜有流星起中天首如甕尾如  
二百斛船長十餘丈聲如羣鴨飛明若火炬過月

下西流須臾有聲礮礮墜地有大聲如壞屋者三  
在陳蔡間

五代梁

太祖開平元年夏蝻生

文獻通考

是年六月許陳汝蔡潁五州蝻生有野禽羣飛蔽  
空食之皆盡

宋

太祖乾德四年陳州火燔民舍數千區

宋史

開寶三年秋九月水

宋史

是年眞定府澶滑澤博洛齊潁蔡陳宋亳宿許州

淮寧縣志卷之十一

五行

五

水害秋苗

太宗淳化四年秋霖雨

宋史

是年陳潁宋亳許蔡徐濮澶博州霖雨秋稼多敗

五年秋雨水害稼

宋史

是年秋開封府宋亳陳潁泗壽鄧州雨水害稼

英宗治平元年水

宋史

是年京師許蔡陳潁唐泗濠楚廬壽杭宣鄂洪施

渝州光化軍俱有水災

哲宗紹聖元年水

宋史

是年京畿曹濮陳蔡等州水害稼

太宗太平興國七年夏蝗 宋史

是年五月大名府陝州陳州蝗

眞宗景德四年秋蝗 宋史

是年九年陳州宛丘縣鄆州東河須城二縣蝗

神宗熙寧八年秋蝗 宋史

是年八月淮西蝗陳潁州蔽野

開寶七年陳州獻芝一本四十九莖 宋史

元

仁宗皇慶二年六月河決陳亳等州 元史

明

淮寧縣志卷之十一 五行 六

太祖洪武二十四年河決原武黑羊山東南至陳入于淮 明史

是年四月河水暴溢決原武黑羊山東經開封城

北五里又東南由陳州項城太和潁州潁上東至

壽州正陽鎮全入于淮而賈魯河故道遂淤

二十五年河決陽武汜陳州 明史

是年復決陽武汜陳州中牟原武封丘祥符蘭陽

陳留通許太康扶溝杞十一州縣有司具圖以聞

發民丁及安吉等十七衛軍士修築其冬大寒役

遂罷

三十年冬蔡河徙陳州 明史

先是河決由開封北東行至是下流淤又決而之南

成祖永樂十年夏民饑 舊志

英宗正統五年旱蝗民饑 舊志

十三年河決滎澤陳州 明史

是年河決滎澤漫流原武抵祥符扶溝通許洧川尉氏臨潁鄆城陳州商水西華項城太康沒田數十萬頃

憲宗成化元年七月饑 舊志

淮寧縣志卷之十二 五行 七

二年七月大水 舊志

三年蝗蝻傷稼 舊志

十三年饑 舊志

二十年饑 舊志

是年西北民流移至者十死八九

孝宗弘治元年秋大水 舊志

二年河決開封陳州被害 舊志

三年大水 舊志

四年大有年 舊志

六年冬大雨雪深丈餘 舊志

七年大水 舊志

八年大雨雹 舊志

十七年水 舊志

十八年旱 舊志

武宗正德三年春旱秋蝗 舊志

六年大疫 舊志

十六年除夕大雷電 舊志

世宗嘉靖元年春二月水夏六月大旱 舊志

三年春正月黑風晝晦夏六月旱秋八月大水是年

大疫 舊志

淮寧縣志卷之十二 五行 八

四年七月大水 舊志

六年旱 舊志

七年五月大旱大風拔木折屋民大饑 舊志

八年春蝗 舊志

九年夏飛蝗蔽天食稼民饑 舊志

十一年六月旱 舊志

十二年冬十月辛巳星隕如雨 舊志

十四年四月雹殺麥秋七月蝗 舊志

十五年蝗蝻害稼 舊志

十六年大雨傷禾 舊志

十七年大水民饑疫死甚衆 舊志

十八年夏秋淫雨没田禾民鬻妻子逃亡大饑人相

食 舊志

十九年大饑民鬻妻子得百錢便棄去死者滿溝壑

舊志

二十年春地無播種夏秋蝗 舊志

二十三年春正月雨木冰 舊志

二十九年春三月大雨雪平地水深三尺 舊志

三十一年夏秋大水州城池水赤如血民饑 舊志

三十二年五月大風雨拔木壞屋禾稼湮没民大饑

淮寧縣志卷之十一 五行 九

舊志

三十四年地震有聲如雷是冬大雨雪柿樹多凍死

舊志

四十一年夏五月正果集及樊家營陡起怪風大雨

雹拔木無算壞民廬舍壓死者百餘人冬無雪 舊志

四十三年旱冬無雪 舊志

四十五年正月朔黑風晝晦大雨雪七日方止雪深

丈餘夏六月大雨四旬平地行舟禾稼湮没廬舍城

郭多傾圮民間訛言某曰州城當陷官民多備舟楫

大饑冬十二月大雪七日深六七尺至歲除日方霽

是年甘露降

舊志

穆宗隆慶元年大雨滄麥民饑

舊志

二年夏四月霖雨彌月大水

舊志

三年秋大水地震

舊志

六年大水

舊志

神宗萬曆三年秋大水傷禾

舊志

七年大水

舊志

八年大水

舊志

九年大水斗米千錢鬻子女者甚衆

舊志

十年春大疫夏秋蝗蝻害稼

舊志

淮寧縣志卷之十一

五行

十

十三年夏四月東北城池水赤如血三日

舊志

十五年夏四月大雨雹傷禾自五月至八月不雨民

間訛言旱魃爲災凡久喪之家惡少糾衆破棺碎尸

因而劫掠幾至變亂有司嚴禁乃止六月大雨雹是

歲有蜻蜓南飛蔽日好蝗害稼

舊志

十六年春大饑疫通用錢忽不行貿易不便逃亡甚

衆六月大風雨雹

舊志

十八年春三月黑風自西北來晝晦拔木壞屋傷禾

行路人墮落陷穽者甚衆

舊志

二十年秋八月蟋蟀傷禾

舊志

二十一年夏五月大水滄麥秋大水滄稼淫雨彌月平地水深數尺破隄浸城四門道路不通出入以舟沙潁等河堤決橫流漂沒民舍死者無算城郭圯壞災傷最甚米豆一斗銀二錢

舊志

二十二年春正月民大饑食草根樹皮幾盡僵尸相望同類相食流民拋棄子女不顧而去夏五月大水蓮花池堤決積水浸城室廬傾圯田禾一空

舊志

二十六年十月城內外火燔民舍數百間

舊志

二十九年春正月朔夜北關火燔民舍百餘家是日城中亦火三月初四日無雲而雷

舊志

淮寧縣志卷之十一

五行

十一

三十年夏四月大水滄麥六月大水滄禾大寒五日如嚴冬十月十二日四更天鼓鳴

舊志

三十一年夏大水害稼

舊志

三十二年秋大水

舊志

三十五年秋七月大水蔡河堤決水幾及城四境水深丈餘禾稼房屋滄沒殆盡

舊志

四十年春正月雨木冰榆柳折損大半

舊志

四十一年河決周家口冲毀廬墓滄没人畜甚衆

舊志

志

四十二年夏四月十二日大雨雹毀民屋瓦殺麥數

千頃木棉及禾稼盡傷惟葡萄晚發一葉四穗舊志

四十三年夏四月十二日晚大雨雹麥被傷大風拔

木舊志

四十四年夏飛蝗蔽天禾黍一空餘木棉蕎麥及菽

舊志

四十五年夏六月十八日飛蝗自東南來初如烟霧

蔽天至城東汲塚分爲二一由牟家集入南頓迤西

一由任興集至馬庄店飛墜田間死者甚衆餘向西

北去二十二日復從西北飛回始及境內秋禾被傷

凡所經處生子旬日出蝻蔽野是年大旱舊志

淮寧縣志卷之十一五行 十二

光宗泰昌元年冬十二月冰折木舊志

喜宗天啟三年冬十二月彗星見每夜丑時自東北

向天中兩月方退舊志

懷宗崇禎五年夏六月二十四日大水自西北來沙

河兩岸水高丈許漂沒房屋人畜死者無算冬十月

有鳥如鷄數千成羣毛羽如鶉足如兔不能棲樹止

宿于地一名沙鷄一名兔蹄鳥舊志

六年蝗蝻蔽野舊志

七年蝗舊志

八年旱舊志

九年黃風蔽日 舊志

十年黃風日生雙環城壕水乾可田沙河見底行人

過者無須舟楫 舊志

十一年冬十月桃李梅杏花如春 舊志

十二年春三月十七日隕霜殺麥數日間麥根復生

收時每畝倍常數十九日申時黑風自南來轟轟有

聲瞬息如夜道路行人陷落坑井燃燈室內近見燈

明如紅棗大對面不能見人是月地震冬大饑人相

食麥一斤錢百二十文 舊志

十三年大饑人相食 舊志

淮寧縣志卷之十一 五行 十三

自八年至十三年不食于蝗則傷于旱人啖草子

木屑折骨爨骸禦人于路買尸于獄而食之甚至

室人相爲鼎鑊父子夫妻慘不忍言九年以後綠

林嘯聚所在蜂起蔡家窩夾河寨付八口張周等

賊作亂賊徒衣朱衣擁黃蓋莫敢誰何兵備道率

指揮李世培領衛兵殲其渠魁蟻附者稍稍遁去

十四年蓬蒿蔽野鼠千百成羣渡河南去 舊志

以上自成化後所載祥異明史皆無今俱仍府志

及舊縣志備錄

國朝

順治五年大水民乘舟入市 舊志

十五年夏五月大雨滄麥毀民舍秋又大水 舊志

十六年冬十二月大雷電 舊志

康熙六年夏六月蝗蝻蔽野秋禾盡傷 舊志

七年秋七月彗星見於西方墜有聲光芒丈餘騰躍

如蛇狀 舊志

八年夏六月地震 舊志

十五年夏六月大風自西暴至屋瓦亂飛城堞崩墜

損壞民舍無數 舊志

十六年夏大雨彌旬水溢入城居民房屋盡圮 舊志

淮寧縣志卷之十一 五行 十四

十七年大饑斗粟三百錢民間多鬻子女 舊志

十九年饑 舊志

二十三年春不雨二麥豐收倍常數 舊志

二十九年夏大旱秋禾盡枯牛疫死者十八九 舊志

三十年夏麥秋始收有飛蝗自南而北日飛夜止積

地盈尺知州用大砲攻之皆散去繼生蝻隨所聚掘

大坑塵之稼無大害 舊志

三十三年夏六月蝗蝻遍野知州張喆親率吏民樸

滅之旬餘盡斃秋禾無害 舊志

三十四年夏四月地震麥太稔六月雨雹 舊志

三十五年夏六月河決滄稼 舊志

四十一年秋大水 舊志

四十二年春饑 舊志

四十五年夏六月大雨水 舊志

四十八年春三月霽雨秋七月復大雨麥禾俱損是

歲地產野菜名苧苗饑民多採食者 舊志

四十九年夏麥秀兩歧秋大稔 舊志

五十年河決害稼 舊志

五十一年夏六月蝗 舊志

五十三年春三月雨雹夏六月河水傷稼 舊志

淮寧縣志卷之十一 五行 十五

五十四年霽雨沙河決沿河民築堤免患 舊志

雍正元年春旱秋九月霽雨黃河水決入境 舊志

八年河水滄稼 舊志

九年春二月芝生蘇湖亭畔一莖高六寸一莖高四

寸許雲頭金邊色微紫 舊志

乾隆元年夏六月水八月十五夜月重華 舊志

四年夏秋霽雨沙河賈魯河皆決滄沒田禾冬十二

月大雷不雨 舊志

五年麥秋大稔兩歧雙穗所在多有 舊志

七年夏四月雨雹六月大雨賈魯河決害稼 舊志

八年春饑大疫 舊志

九年大有年太昊陵北麥一莖四穗白馬溝民谷印地內麥一莖五穗兩歧所在多有秋蝗不入境 舊志

十年秋七月大風雨拔木發屋 舊志

十一年夏麥大稔秋大水 舊志

十四年大水 舊志

十六年夏五月雷震太昊陵享殿 舊志

二十二年夏六月大雨八晝夜水與城平漂沒廬舍

田稼穀價騰貴人多餓死 以下新增

二十六年河決陽橋口大水傷禾

淮寧縣志卷之十一 五行 十六

三十五年四月十七日黑風自西北來晝晦

三十六年旱

四十年麥秀兩歧

四十七年龍家灣牛家口水決渰沒瓦罐坡以下秋禾

五十年三月雨雹大如鷄卵平地深尺餘麥盡傷紅風如火黑風晝晦秋大旱穀價每斗錢三千人多餓死

五十一年夏麥大熟人多疫死秋飛蝗蔽日墜地深尺餘禾盡傷十二月地震

五十三年五月初五日地震

嘉慶元年大雨傷禾稼

二年九月大雨水

三年秋大雨水

八年十二月三十日黑風晝晦

十四年夏麥秀兩歧

十七年怪風五色

十八年二麥歉收夏大旱蟲食豆苗殆盡人乏食多鬻子女

十九年麥大熟人多疫死

淮寧縣志卷之十一

五行

十七

二十年民多瘧疾死者甚衆秋禾無人收藏九月十九日夜地震

二十四年黃河水溢淹沒田禾十二月雨木冰樹木盡折

二十五年六月二十五日地震

道光元年大疫人死者半

二年二月初一日李有舉妻夏氏一產三男

五年旱不爲災

六年三月二十三日紅